

兩
浙
輶
軒
錄

兩浙輶軒錄卷十五目

陳世倌 陳邦彥 查嗣珣 萬經 吳斯洛

周本治 陳世修 孫國珍 蔣志棟 傅王露

吳應綦 許惟枚 查祥 汪援甲 金虞

俞敦仁 葉新 王求皇 梁文泓 李原

朱琪 史榮 陶文彬 章本成 章大來

章大成 黃千人 樓儼 毛桓 朱楷

鄭江 吳廷華 陳恂 胡浚 龔之鏐

龔之鎰 周準 洪之震 華岳 邵錫蔭

邵錫榮 陳朝儼 王熹 邵宗寶

查克宏 陳源 邵開宣 李宗淮 錢忠發

顧旻 汪爲燾 范廷謀 沈光邦 曾安世

汪筠 袁德峻 范炳 沈允亨 余珩

馬翔麟 李芬 朱離模 俞秦樞 沈鳳起

吳焯 蘇啟鉞 姚三辰 吳允嘉 沈清

兩浙輶軒錄卷十五 督學使者阮元訂

陳世倌字秉之號蓮字海寧人康熙癸未進士由庶吉士

海寧州志陳世倌為禮部尚書提舉四子由庶常歷侍

讀虞主山東廣東順天鄉試督學順天府提舉內閣學士

出撫山東會境內多蝗世倌履境密訪被蝗諸處損稼

重輕且以察羣吏賢否具知其畧而後視事嗣以舊案

詔往江南水利自劾還濬吳淞白茆諸工繼辟文廟孔林報

竣起為副都御史遷戶部侍郎督漕通州歷左都御史

工部尚書乾隆辛酉拜文淵閣大學士會進揚大水數

陳數事世倌風善籌河乘傳周覽入告後每集議河務或疏論

情形皆本確見進階太子太保壬申甲戌兩充會試總

裁戊寅冬以衰老乞休進太子太傅

子告回籍就道卒于

賜第詩行將就道

賜第詩行將就道

葬如禮

戊寅仲春將出都門畱別同朝六首

追陪

兩浙輶軒錄

卷十五

紫殿愧齊肩心佩儀型十七年燕國文章推巨手鄴侯風度儼神仙東華竝馬趨鈴閣西苑連茵侍

御筵茵序同朝慚最老合先諸老賦歸田

料霄斗極九天臨履跡衣香在

禁林時論其推霖雨望諸公須竭歲寒心每懷補職成虛願

愛聽嘉謨矢好音豈戀江湖辭

魏闕羞將白髮對華簪

著作聲華重

帝廷難忘風月是頭廳

九重載筆題仙籍幾輩乘槎仗使星視草蓬池春爛漫校書

藜閣夜青熒儒生結習心猶在欲藉餘年老一經

上苑花開聽鳳鳴南司車過避驄行漫持丹筆來先後

余曾入

西臺每仗青蒲憶弟兄余父叔兄弟官執法者五人居臺諫者六人已看霜容同鐵

冷仍期笑口比河清竹垞梧掖縈歸夢最愛臺垣有直聲

鐵網頻張學海瀾祇憑虔惕寸心丹由來科目人爭重卽語

文章報亦難其勵松筠堅晚節獨慚桃李屬春官昇平努力

期公等老眼還將拂拭看

來往長安六十年余于丁丑歲暮隨先君子入都距今出都恰六十年不辭青鬢換華

顛衣冠會比枌榆社

輦轂花明玳瑁筵兩浙海寧各有會館於海歲正月宴集同人入耳纏綿鄉語熟

登堂几杖典型傳館內有三賢祠春秋兩祀以報先德春明門外柴車路梓里

情牽倍黯然

陳邦彥字世南號龜廬海寧人康熙癸未進士由度吉士歷官至禮部侍郎著蜚廬小集

俞寶華日陳邦彥爲大學士元龍姪幼卽工楷法官編修侍直

內廷繕寫

聖製碑版文章歷侍讀學士終禮部侍郎筆意酷似董文敏
晚年幾亂真乞書者踵相接詩多館閣應制之作

書楊大東厓賞花詞後

粉白脂紅鬪艷香
冶遊還逐少年場
輕盈態度依楊柳
細膩風光上海棠
好鳥有情當客語
狂蜂無賴爲誰忙
江南才子多閒思
收拾繁華錦一囊

查嗣珣

字闇琰號東亭海寧人康熙癸未進士官太和知縣擢吏部主事著榮古堂詩一卷

田家鋤

青山圍四面小聚楚江頭
暮雨翻鴉去神燈逐水流
簾鉤堪倚醉簾影欲生秋
驛路更籌急真令我欲愁

萬

經

字授一一字九沙邨人康熙癸未進士官編修督學貴州乾隆丙辰薦舉博學鴻詞

袁鈞曰萬經爲斯大子官編修時侍郎方苞以株連被禁莫敢保出之者經獨送狀西曹苞得釋督學貴州使

還爲異已者所中遂有通州修城之役甯產以應家遂
貧經少承家學又嘗叩質於應鵠譔閩若璩聞見日富
工隸書得御各口之傳晚年修寧波府志又續輯
其父禮記集解春秋明義二書燼於火抱恨卒
戴瑯曰丙辰公車徵士小錄最長
萬經年七十最少袁枚年二十一

弔周烈婦

天地有正氣綱常藉人扶當其志所激弱女勝丈夫四明濱
巨海潢池肆樵芻象邑當厥衝殘賊甚剝膚婦也冰霜姿詩
禮爲楷模倉卒走避賊從夫出闔閭弱質旣窘步况負六月
雛夫婦不相保踉蹌各奔遁事勢在危迫先生決須臾舉身
赴清流不復憐呱呱一死祇自全含笑歸冥途荒荒白日黯
慘慘寒雲鋪數日具含殮顏色腴不枯健兒盡膜拜聞者咸
嘆吁於乎烈婦心豈爲聲名圖巾幗畱正氣身死名不徂會
當紀彤管國史他年書

吳斯名

字琳巖號五亭歸安人康

諸錦曰吳氏三世傳家有集而五亭靜者多元悟故宗
派亦近大蘇鮑冠亭云琳巖大篇曲折排宕而才氣足
以副之

梧門詩話韓昌黎青龍寺火傘類蛇終篇不言所咏何
物及考鄭虔寓此寺取柿葉學詩方知韓所咏乃柿也
見東坡集五亭賦詩云簌簌霜簷九月初紅雲如幕罩
前除至今猶憶青龍寺葉葉飄零三絕書五亭名斯名
詩源出大蘇時論乃云不入唐格方黎如云此房次律
之以車戰敗績失據者也五亭沒友人楊沅為刻補閣
詩鈔

放言

人云三日不見黃叔度鄙吝胸生長蟲蟲又云三日不讀道
德經舌本啞強掉不靈淺今舊懷澹如水一人不見情洵美
我今口齒利如刀一字不讀長滔滔讀書交友各有故下士
鄙鄙徒學步義理思當爛熟時千聞萬見無乖忤海鷗接席

竝忘機天游何惜知音希一畫幾先存要道言語何由窺與
箋靜中萬象總么磨闕堂牛蟻何其多

宋徽宗鸚鵡圖二首

描畫羽毛種種如也圖鸚鵡鵒鵒諒因毀廢春秋後不記
來巢有特書

流民圖不繪老弱凌烟圖不貌褒鄂鸚鵡之鵒之墨未乾邊聲
彈遍白翎雀

周本治

字念修號早白又號柴村錢塘人康熙癸巳進士官新野知縣著柴村詩藁一名聽綠軒藁

家傳畧曰公令新野八年會中牟黃水決口晝夜經營不一月鬚髮盡白周自號早白署南陽境有白水支流向無堤堰民苦徒涉捐廉築堤後任鄭公勲竣其工民德之稱周鄭堤

春分前二日邀同蘭坡法言杜峰虛谷暨兒子一鳴陪

餘山泛舟湖上卽景

歲月駿駸入暮年春來湖上幾畱連亦知白髮形容醜其奈
青山景物妍結伴偶攜花下酒為君且解杖頭錢夕陽不許
催歸去繫纜垂楊淺水邊

陳世修

子勉之號學村海寧人遷石門康熙
癸巳舉人官遂昌教諭著學村遺稿

孫師錫曰先祖學村公世籍海寧母為
石門吳孟舉先生之女乃遷居石門

江行呈祝良仲

江行十數里羣山遠近布野樹變異姿荒村有古趣秋初江
未漲淺灘沙石露時有弄水禽臨流濯毛羽宿昔愛山水茲
遊愜情懷敢云學吏隱烟霞疾恐病情酒坐船脣漸看山色
暮

閏月四日午發縉雲縣宿荆坑五日由桃花隘達岩泉
行萬山中雨闕日漫賦長句紀事

羣山夾而峙澗水亘其中右有磴一線宛轉穿玲瓏或蹲如
虎豹或攢如虬龍或如屏障列或如鎖闔封森如捍勇士氣
懍儀狀雄嚴如對大賓心折道貌崇巨石危欲墮層崖斷復
通厥木合千章松杉栝柏挺立交卧間蔭此山蒙籠下崦
烟靄集上崦夕照紅昏曉幻咫尺陰陽判西東橫睇徑尋丈
俯矚洞壑隆五里歷百盤十里轉一峰傳聞歲甲寅戎馬繫
倥偬甲寅平賊蓋之亂始闢此徑卽此異境開宜勸磨崖功終疑五丁力
斤斧運天工山腰結香茆小住多歡悰翠色撲眉宇攬耳泉
淙淙晨起理雙屐急踏曉嵐濃遙望桃花嶺登頓人攜筇崖
高繭生足嶺仄杵撞胸行行下澗岡勢急水奔駭有石亦嶽
峯有樹亦鬱葱千級陡然下身輕一飛鴻放眼天地寬失却

青芙蓉

江心寺謁文信公祠

遙看孤嶼勢嵯峨鼓枻中流感慨多正氣南朝真宰相江心
萬古宋山河森森老檣翳寒日森森秋潮惜逝波海上田橫
曾有島較量忠義定如何

孫國珍

字仕登號豐崖長興籍歸安人在豐從子
康熙癸巳舉人官錢塘教諭著惕崖遺稿

王梅溪集有年逾四十尚何堪之句依韻續成

年逾四十尚何堪自笑謀生百不諳瓶粟長空憑拙婦園蔬
學種任痴男食無肉相蠶鹽足祿連親存苜蓿廿歲月虛磨
人易老那能作醯敎春蠶

蔣志棟

字學支號大梁長興人康
熙癸巳舉人著惕園草

采若編志棟爲何義門太史入室弟子例儼權奇
不苟爲人下顧數奇連不得志於春官士論惜之
送鮑西岡大令之官長興

吳興自古多賢守小邑西偏遺跡賒陳帝宅邊空老檜謝公
池畔起寒鴉何人水利謀開港薄有山農事采茶明歲欲歸
歸未得故園春色拜君嘉

傅王露

字良本號玉笥又號閭林會稽人康熙乙未進士及第三人授編修加中允著玉笥山房集

越風玉笥先生館選後退居鄉里幾四十年嘗作蓬山

望

問圖以寓子牟之戀晚號信天翁築信天書屋以卷軸自娛年踰八旬尚能揮翰乾隆初年

眷注舊臣

恩加宮允士林榮之

隨園詩話人有生而漸灑者不開學力也傅玉笥先生有句云鶯花日辦三春課風月天生一種人先生嘗同

遊西湖年八十餘舟中自誦陪申尚衣遊西湖絕句云

正是金牛紀瑞年小春風景似春天蓬萊原近孤山寺

遊舫多停六一泉一到湖心眼界寬雲光霽霧接風流

三朝

恩澤深如許莫作瑤池清淺看先生耳聾與談者以手

畫字即能通解癸未春遊

攝山與之談聲振屋瓦

登昊天閣

高閣凌千尺橫欄繞百尋躋攀通帝座呼吸正天心月出湄
河晚雲橫魏郡陰颶颶近牛斗宿窗深度遠鐘聲漫漫
空磬響沈彤雲環玉卮白露澹珠林徙倚瞻無極遲徊望所
欽塵埃三舍退時序二毛侵萬類俱併覆孤懷或鑒臨九閭
知易達虎豹莫森森

吳應葵

字小眉號眉菴歸安人康熙乙未進士歷官兵部侍郎著青瑤草堂詩集

隨園詩話余試鴻詞報罷蒙歸安吳小眉少司馬最為
青盼五十年來其家式微今年遊粵東過飛來寺見先
生題詩半山亭一絕云西徑崎嶇上東峰宛轉行半山
山過半飛鳥一聲輕讀之如重見老成眉宇先生諱應
葵弟諱應枚其封君夢蘇眉山兄弟而生故一字小眉
一字小賴小眉巡撫湖北平反麻城冤獄為海內所稱
小賴官至奉天府尹

晚抵汶上覓酒

汶上日已落蜀山雲自浮春來長寂寂懷古思悠悠魯酒不

可致明燈空照愁無由呼李白一醉卧東樓

招隱橋

寺門面而繞青峰招隱橋邊聽午鐘千古幾人招得到滿山

惟有六朝松

許惟枚

字鐵山號南臺流寧人康熙丁酉舉人官工部營繕主事著味菜軒詩鈔

海寧舊志許惟枚知儀徵縣錄因見施紫六十餘人皆
瑞積香鹽兵役誣以私販者盡釋之請丈蒲州京口將
軍古洲為牧地屬免丈勿曉曰法之行自將
軍始其兩正類此歷知崇明上元俱有惠政

春柳次袁簡齋韻

簾裊晴絲樹羅烟輕陰薄靄賣陽天由來濯濯二三月恰似
盈盈十五年惜別夢牽郵館外藏嬌春駐酒樓邊王孫芳草
無窮思走馬章臺緩著鞭

莫愁湖畔石頭城地老天荒不斷情歲歲年年長此樣疎疎

密密可憐生紅亭翠驛迷何極纖雨梳烟畫未成羌笛一聲

初按拍曲中幽怨欠分明

查

祥字星南號穀齋寧人康熙戊戌進士改庶吉士授編修原品休致乾隆丙辰薦舉博學鴻詞充律

例館纂修官著雲在樓詩鈔成流文

詞科掌錄查氏門材甲於海內查田喜獎借後進查

浦著律甚嚴星南少從查浦授詩故所作皆見矜慎

俞寶華曰查祥初授編修罷歸乾隆元年大學士徐本

以鴻漸薦至則試期已過雷光律例館纂修七年書成

復七品京銜歸歷主講席年八十二卒

楊花

被風引入紅樓去到地重尋碧落飛笑我癡獃空裏提問他

飄泊幾時歸淒迷客舍黃昏雨掠亂江頭白板扉三尺魚竿

一篙水不知誰壩釣魚磯

汪援甲

字麟先號滙亭又號撲撲錢唐人汝謙曾孫振甲弟康熙庚子舉人官絳縣知縣乾隆丙辰舉博學

鴻詞著夕
秀齋詩鈔

同金壽門遊寒山舊廬

永晝掩蓬門山館憩朱夏躊躇無一事忽枉逸人駕清談懷
抱舒良晤心神暇攜手共尋幽窈窕探精舍雲巖茂樹陰石
竇碧水瀉攀蘿古磴間採葯危梁下夕陽耀霞閣歸禽下烟
樹瞻覽條塵煩靜觀識造化茲遊情屢遷愜賞誰能假送君
出郭還皎月生涼夜

梅莊訪吳綺園

白華黃海吟佳句十載縈懷夢想真石磴溪橋還一訪娑羅

園裏老詩人綺園著白華集黃山游記

金

虞字長孺號小樹錢塘人康熙庚子舉人官孝

詞科掌錄錢塘金虞長儒康熙庚子舉人以保舉令湖廣之孝感邑人大司空涂公薦於朝旋丁外艱不與試

兩浙輶軒錄卷十五

查祥注援甲金廣

八

長孺于書無所不聞文章高秀爲吾鄉人士之

魁從人視學粵西有雙江卧遊草詩極清雄

隨園詩話吾鄉金長孺先生以時文名世不知其能詩

也有入爲述其禹廟云授笈儼陪蒼水使率香獮臘白

頭僧晚步云打頭黃葉忽

羈墜知是隔林松鼠來

讀楊鐵崖先生詩題後

論詩割詩派定知非詩翁纖兒效鐵體憎王仍鬱弓此直體

通閭何足涸乃公公於翰墨場雪爪留孤鴻古音至清與義

與風雅通僞體時別裁療俗伸奇功晚來翫金粟稍稍比絲

桐坐掩秋水骨吹香蘭蕙葉筆墨有游戲匪獨葢雷同方公

遊陽九息影菰蘆中有使弭青節欵戶聲逢逢謂帝袞有關

煩卿綴華蟲公時面牆卧鼻息干長虹自翦赫蹏紙封上蓬

萊宮上言今老矣無裨天子聰性復便山野下言恕吳蒙使

還天子笑夫不由朕躬乞汝醉吟傳弄笛橫江東豈無五色

綫竟以衣白終

徑山採茶歌

天子未嘗陽羨茶百卉不敢先開花不如雙徑迴清絕天然
味色留烟霞石泉松籟春無那驚雷夜碾靈芽破峰迴寺掩
路鴉又恰喜茶歌相應和半陰半晴穀雨時一旗一槍無幾
枝氤氲香淺露光澀頗覺深山春到遲紫英綠腳空名重白
絹斜封充錫貢拚向幽巖結翠叢年年小摘攜筠籠

步出稽山門謁禹陵作

稽山門外風景清橫塘屈曲修蛇行溪流瀲灩深見底人影
掠波魚不驚青鞵布襪鬬輕健水風欲歇山雲生一林楓葉
渺何處紅紛翠疊渲初晴裴徊忽覩禹陵字華表屹立何崢
嶸不封不樹古遺制有夏忠質非虛名當年巡狩盛王會羣

后劍珮爭瞻迎元圭聲教被東海始爲於越開文明官車晚
出竟不返蒼梧遠葬同傷情至今寢廟枕山麓碑傳岫嶠千
金輕赤文綠字世希有強作解事憐荒愴神功不朽在天地
豈必篆刻畱佳城仰瞻遺像起再拜側想疏鑿勞經營龍威
秘笈盡妄語獨有芝石常孤撐雨淋日炙四千載著手瑩潔
如瑛瓊山巒雨雨置亭側氣色古黝聲微鏗恐將圖物禦魑
魅貢金九牧餘精英摩挲一餉增歎息繫古明德誰能京喬
周以降王道缺死骨不腐猶兼并三泉水涸玉魚出五陵露
滴銅盤傾秦灰漢劫屢翻掌但有昏墊非平成人生能著幾
兩屐念此氣結心空怛天寒日落且歸去前山老栢鴟鳴

詠帆影

六幅蒲帆映碧流分明畫出楚江秋
高樓暮雨經年別野岸

斜陽一片愁雲葉乍低爭掩冉痕花輕蹙信沈浮生平湖海
飄蓬意倦倚紅亭足卧遊

鎮海樓落成和汪積山作

層樓虛敞接崇岡極目江天俯混茫遺構尚仍錢武肅劫灰
重見魯靈光無邊烟火連雲集不礙輪蹄盡日忙兩鎮功名
君莫問太平鐘鼓正當陽

春米詩

託業休嫌計直微相春聊復傲輕肥司空城旦君知否覆餗
諸公盡赭衣

多收十斛轉傷神椎髻年來事事親著布小憐休悵望漢宮
還有故夫人

食筍疊用山谷韻

棲遲水竹村經年足鮭菜舍北筍園開遠勝街頭賣幽居無
雜賓蕭然謝庖宰吾師玉板禪香味了不壞借我藜藿腸懣
此籜龍債蔓蒿與蘆芽棄擲眞草芥昔聞饒太守志節頗清
介晚挈細君來貧簪爭飽噉至今燒筍詩車過發長噫吾豈
肉食人孤吟想風采

送門神

蓬門雖設鎮常閑寂寞經年兩抱關最是銷魂留不住送窮
時節送君還

欸忽迎神又送神傍人門戶幾番新終南進士題唐甚更把
鬚眉逐後塵

乘小舟渡江登黃鶴樓

漢上層陰初作雪目送寒空鳥飛絕扁舟一葉橫江來水烟

漠漠江天開玉筵仙人渺何處黃鸝磯頭仙棗樹菓花吹落
滿城香仙夢依稀武昌住武昌城下江水流武昌城上三重
樓遊人到此不忍去芳草白雲生遠愁我今亦是江湖客望
遠登高頭欲白不須更訪白雲樓擊楫中流楚山碧

白越洲三日至祁陽山水靈異花木清妍灘聲石色俱
耳目所未經可愕可喜舟中信筆記之以爲他日卧
遊不足云詩也

楚天人日東風起瀟水東頭湘水尾越洲三宿到祁陽峽束
江盤難悉紀探竒始自魚子灘澹蕩晴巒如織綺鵝青魚白
驚兒黃絲縷分明雜紅紫一幅西洋著色圖月暈霞烘不能
擬前程便是鯉魚塘千樹梅花照寒水直從山頂至江邊晴
雪霏霏香不已孤舟晚泊丁婆灣猶在羅浮夢魂裏明日乘

風過合洲九磯灘畔山形偉水面橫開百堵牆灌木蒼藤森
壁壘蕭蕭微雨宿黃牛又逐朝雲上灘藉灘號西州路最長
篁竹扶疎差可喜路轉峰斜入紫羅紫羅峽內清無比兩山
杪樹盡成陰遮却天光六七里山氓種杪如種田方罫鱗鱗
宛相似風吹倒影滿江寒新綠茸茸染襟履紫羅卅里到元
姑灘上梅花尤羅靡長日春江暖氣蒸所惜色香稍減耳過
此灘多水益高三門偈仄觀音駛崖石雕鏤萬態殊各各波
心爭諷詭奔湍觸石浪花鱗掀得輕舟薄于紙篙工頓脚兩
舷穿邪許聲哀愁欲死余方瞪視心茫然閃電驚雷只如此
舟行過險復回頭石骨玲瓏水清泚渾忘身自險中來但覺
跳珠濕行李觀音灘外鳳凰灘灘勢較平無足齒半規新月
上桅竿且向祁陽看晚市

來賓官署偶題

雷江都是鐘仄人家銅鼓鑿鑿報早衙坐客春風無長物綠

梅花頂寄生茶官齋梅樹上
有寄生茶

昔年仙令儘風流喜雪書占大有秋當湖沈融谷先生曾爲
邑令書堂榜曰喜雪

郭細侯來應更好雪消春水滿田頭

羅池柳侯祠

李花十葉迎風僵碁師索飯中書堂八關十六子誰氏奔走
朝士如驅羊河東才地本天賦銳意功名偶塗附醉客未醒
東方明獨惜清流非黨錮羅池跌宕從蠹官蠶風瘴雨天漫
漫衡湘湖畔解文學厥功不讓潮州韓生不逢辰死威福驚
山青青江水綠年年雞卜舞山岷聽徹迎神送神曲

浯溪讀中興碑

兩浙輶軒錄

卷十五

金虞

三

文於天地不兩大我昔聞自涪溪歌涪溪深處漫郎宅後有
作者何其多中興一頌歸然在手剔蒼蘚三摩挲當時翰墨
鮮高手誰與八代迴狂波鸞臺鳳閣數燕許東封石刻徒姁
嬰斯文獨任起衰賁采薇六月相肩摩平原顏公忠烈士肝
膽契合心手和特書大書照巖戶如日始出星交羅想當握
筆幾透爪一一勁挺無纖頰因思往跡發長喟亂由人召非
由他妖妃孽臣早不墮迺出下策馳青骡艱難百戰兩京復
實賴靈武揮天戈儒官揚厲職應爾詎忍腹誹含譙訥餘子
紛紛若鑄鑿強作解事理則那三吾亭子高嵯峨下有石鏡
冷不磨飛泉灑灑生盤渦惜哉無人洗山骨奈此玉珮瓊琚
何

憶弟詩和蓀圃韻

恒衛相望動隔年那堪回首更江天
寒燈此夕思和仲春草
明朝夢惠連爆竹光陰千里共折梅
書信幾時傳何當對酌
屠蘇酒暮景飛騰亦快然

瓶中芍藥

花市攜來露未收
膽瓶新水爲扶頭
春風贈別猶含蕊
初日凝粧旋倚樓
乍喜燕支開北地
可憐消息夢揚州
鬢絲撩亂
今如許咫尺豐臺亦倦游

刺蝟詩

藏身荆棘任兒嬉
羽介鱗毛出類奇
相鼠有皮工作刺
皿蟲爲蠱最能醫
拳如雪後屯邊騎
怒卽風生罵客髭
莫倚雄豪欺橡斗
須知虎視慣狐疑

刺促何如蝙蝠飛
尋常衾褥見應稀
豪豬相劣慙么麼
瓦鼓

芒多訝茁肥遊女乍看秋
艾坼詩翁欲畫雨蓑歸囊
中頽脫知無分只合理頭
困棘闌

壺盧詩

同美石種

瓠子宮安在壺公市屢更
遽廬莊與惠莎徑耦而耕
冀北誰貽種東吳舊識卿
引將瓜蔓水闌入豆花棚
裊露晴偏濶經霜晚更成
斷藤隨剝裹落實抵撥橙
雅稱幽人共深防惡客偵
曝檐嗤件繫障簾駭身領
詎足千金直寧堪五石盛
恒畱科上槁便作掌中擎
拗項丁寧勅纖腰仔細評
愛多心轉惑色定眼逾明
畫譜翻新樣書籤署小名
伐毛三沐淨鍊骨九還輕
妙選誠難得微疵每易呈
秋蟲遺篆黯敗葉漬痕遞
覺摩挲遍真令坐卧并
綫消把玩膚澤任枯榮
藉以祛塵累因之悟物情
江湖浮不盡冊天地性長生郊特用拙何須

大功遲肯厭精磨光先刮垢返樸自含貞世俗渾皮相兒童
或脰鳴頌嫌頭屈律詩訝腹彭亨似爾原無口希風亦有聲
幾時逢直柄和徹女媧笙

柳絮

漢南歸思轉逡巡咫尺龍池莫問津垂柳忽驚千樹雪落花
同餞一年春黏天漠漠依芳草纖路茫茫付軟塵倦客不煩
頻把玩隔江多少倚樓人

白門春月滿宮霜底用攀條萬柳堂六代繁華終變滅一生
飄泊坐清狂團將細浪魚兒出蘸微香泥燕子忙適自何來
偏集此欲論才思恐相妨

俞敦仁

原名卜金字聚之號易齋海寧人康熙與子舉人

遷汀州知府著

資事堂詩鈔

送沈甫草世楓

與君晨夕共彈指五年餘絳佩情何限芝蘭臭不如曉風吟

藥樹殘蠟照魚書相對還多暇論文一起予

竝案收封事分麻草制詞十年較爾長片語亦吾師一去登

蓬閣空餘老鳳池蕭蕭秋日暮又是雨如絲

過張丈雪煩齋話舊

童稚追隨日回頭四十年浮雲紛聚散落日共流連故態狂

猶昔塵緣老漸捐惟餘感舊泪相對一潸然

葉新字惟一金華人初名世經寄籍順天改今名

金華詩錄良堂居官善績甚多南昌令喜事典大獄邑

民饒令德為鑑所誣事連撫嶺二邵至二百餘人僚良

堂勘之平心推鞠得被誣之故言于上官不能奪衆口

有獄章江書懷詩云到處倉皇傳市虎幾時談笑射

天狼落句云枉直從違關吏治好惡伸誦卜行藏蓋以

去就爭矣既而制府委江南監司和公來良堂一一剖

析全活甚衆興修泰寧惠遠廟專員承辦帑費而事不
集復委良堂向例載運物件諸土司輪值都統賚公欲
專任一人良堂力持之資公怒甚良堂佛然起曰某奉
委來不當公意賜檄去耳何怒爲同官皆失色明日公
執良堂手曰吾思之良久若言勿以昨日事介意也去
釐之日民皆垂涕父老引里諺曰虔州改贛州江水兩
分流富貴無三代清官不到頭吾釐民無福于公何憾
所爲文章閭閻整明達不尚餽餉啓事議告之文皆自
然多削稿不存僅餘古文
一卷詩二卷詩餘一卷

同竇螭申王禹梅公垣昆仲遊烏石山房

磴道穿修竹花宮掩綠苔客疑無路到僧訝有人來閣暗流
雲過山明返照開清琴寫幽意坐見鶴飛回

鳳縣

張三丰
修煉處

一徑盤旋入太清天風披拂袂衣輕橋從空翠中間度人在
層雲上面行石罅幽花爭弄色山腰野鳥自呼名何年解組
遺塵世好訪張仙問養生

九月望後借苗協鎮何遊戎田崇慶尹台江登泰寧城

南玩月

掃却蠻荒萬里愁
閒來霜月上城頭
庾公雅有據牀興
謝客何煩秉燭遊
一片空明開覺地
數星鐙火認礪樓
須知此景難畱戀
莫待更籌促酒籌

余初署嘉州譚牒督手自判發有會稽錢生者流落其地一日具牒丐俛助詞頗哀艷動人猝無以應判一絕於後還之

兩年宦轍等飄蓬
賺得清名是屢空
慚愧途窮步兵尉
不堪持贈袖間風

王求皇

字雄飛號菊存錢唐監生著菊存圖偶存稿

待燕

櫻桃開盡最繁枝蜂蝶紛紛燕子遲記得去年春社早東風樓上捲簾時

乘小車

小小征輪淺淺篷平原芳草駕春風晚乘新月朝行露坐看

桃花卧聽松

掩籬門

綠蘿陰裏掩籬門城市依然郭外村莫道春歸芳事了桃花

生子竹生孫

梁文泓

字深甫又字秋潭號龍泓錢唐諸生文瀛弟

杭州府志文苑傳文泓以兄爲師終身執弟子禮惟謹天性孤介寡交遊家貧布衣蔬食泊然自甘日以臨摹法帖背誦經書爲課晚歲詩古文益工書

法益精到鈔說文數遍爲補注若干卷

龜亭詩話士之沉淪泉石者其抑鬱不平之氣往往見諸詩歌易傷激烈惟梁秋潭獨含蓄有味如觀垂釣詩

二首怨而不怒可謂得風人之旨吾浙六十年來詩家
吐屬能以蘊藉著丰神者莫過于先生今已廣陵散絕
響久矣先生乃大學士文莊公叔贈公文濂同母弟
也孤介甘貧營補注說文鈔綴成帙為人擣去匿不復
出人間無副木生平詩古文多為人代作輒散去不謂
且為書法所掩曾掌教信
州至今江右猶欽佩之
隨園詩話杭州多高士梁秋潭先生因從子詩正貴後
遂不鄉試耻以官卷中故也垂釣云香餌自香魚不食
釣竿只好立蜻蜓
朝市說
顏祥

觀垂釣

一溪新漲失前汀照見春山箇箇青香餌自香魚不食釣竿

只好立蜻蜓

身世逍遙那可量猶投十二未荒唐語君欲試垂綸手莫與

鷓鴣校短長

初五日口占

囊巾頰面日初紅
洗足登牀夜正中
識字免營沽酒直
課徒兼有讀書功
爐灰深覆浮浮煖
窗紙新糊了了通
惡語市朝車馬客
未須抵死笑冬烘

題蔣湘颿湘江載酒圖

千斛之船空所有
卻載酒人還載酒
酒歌未已酒已空
白眼看天杯在手
酒人縱酒年復年
酒懷飛繞湘江邊
湘流作酒酒載船
一颿縹緲陵湘煙
湘江之山山幾面
照見江山深復淺
更挹湘流入酒杯
船頭坐對湘颿轉
颿轉湘流身世同
一杯高浸四天空
酒醒酒醉湘颿外
任爾東南西北風

李

原

字元孚號萬溪嘉興監生塹孫
官按察司經歷著南園詩草

梅里詩輯萬溪游幕三十載晚葺南園思讀書終老其
沒也年未六十安閑之福固天之所靳哉詩篇清爽藻
肥簡然出塵

夜歸南園醉吟

屈曲溪流處林深一叩扉暮雲將暑去新月待人歸薄酒已成醉暗香忽近衣宵分餘興在移櫬坐苔磯

送王謹巖之淮安

二月臨淮路輕陰拂柳條天心愛羈旅春色徧河橋把酒題紅豆因風憶碧簫言從大江去飛墨灑金焦

過朱秀才

信村居

短棹尋溪渚柴門事事幽平陂初返犢淺水正垂鈎花影一庭月蟲聲四壁秋別來三十載相見卽忘憂

新陽縣署送畢芳厓返毘陵

臨別復攜手離亭上小舸雲山歸路近雨雪閉門高簫酒不成醉商歌且自豪客游多勝事未抵舊蓬蒿

虞山道中和黃麗天明府原韻

黛色山山畫四垂使君行處有新詩沿江未見迎桃葉隔岸
遙聞唱竹枝銀燭湘簾思後會霜篷烟櫂是前期請看驛路
梅爭放萬戶春燈欲試時

朱

琪字向叔號芷閣嘉興貢生授衢州訓導

梅里詩輯芷閣爲竹垞弟子攝令江都十月而罷處脂
不問歸蒙蕭然惟以吟咏自娛汲引後進唯恐不及孝
友姻睦有古人風詩篇
質秀詞溫氣清格正

東谿

平生寡嗜好衰老愛讀書東谿五畝宅可以營吾廬邈然塵
境外心情長晏如於道或有託誰謂形神拘安貧樂天命保
此無事軀

橫涇梅會閒愛此風淳樸野處無俗情鄰友共相屬常時課

子孫孝友竝耕讀臨谿自堪漁種樹亦成握平疇一覽餘生計紛在目

夏日俞愷同過訪

長夏苦毒熱高枕夢幽壑時雨不濡物園蔬少藜藿飢來思出門紅塵怕插脚鬢髮漸衰白冠帶亦寥廓梁谿貴公子遠來顧寂寞懷舊旣情殷襟期復灑落華堂別兩載一見問宿諾回憶京華遊勝引事如昨蕪城數往還動止憐束縛茲晨愜素心庭花正紛錯況當初伏交消暑宜下若縱之河朔飲聊云同志樂清話自纏綿苛禮盡脫略方期聆嘉藻長語破獨酌榜人不肯畱揚帆入東郭相約南湖南藕花深處泊

雨後重過菜畦村居

一夜西窗雨海棠花亂飛主人愁獨坐亭午掩雙扉酒伴衝

泥至山童入市歸轉憐三日醉高興近來稀

芋陂歸自邗江招同人集潛采堂

吟社幾遊集朋知亦可憐故人十載別舊夢草堂懸樽酒同
今夕圖書憶往年羊曇醉後路每過一潸然

呈初白先生

大雅今凋謝龍山作者存風流聞一老寂寞託孤村出處同
朝惜文章後代論瓣香嗟白髮回首舊師門有感竹垞夫子

煙雨樓

今宮保彭陽公重建

飛樓高百尺遠岸繞陂塘勝跡畱殘碣南湖記草堂夜燈魚
屋冷秋雨藕花香聞道尚書讌風流似武昌

簡徐岱輿

謝庭門徑故依然忽忽回頭三十年別後風塵雙鬢改老來

歲月寸心懸卜鄰空有連牆約歸計都無負郭田白髮相逢
轉憐惜一樽期爾藕花前

石城歸夢

老矣江湖泛短檣故鄉回首卽天涯夢中別樣都難記一路
看山直到家

徐南畝秋樹讀書圖

一區舊宅水南居畫裏心情不似初歎息斯人太憔悴江湖
白髮抱殘書

史

榮字漢桓一字雪汀

鮑瑋亭集雪汀少卽善爲詩時湖多詩人大率出宗
正菴之門正菴本師法竟陵稍改其面目而未泯故步
也雪汀稍悟其非變而爲山谷已又嫌其生澁變而爲
玉川晚乃信筆不復作意遂爲誠齋其實學誠齋而失
之者雪汀賦性狷然失之怪當其初年爲視一切善書
法又善以篆隸花乳印石矜貴過甚黃戶部又堂張河

丙岑山踵門求其策及擊棄書望望不答然所許可則
傾倒受役使不厭甚至藩溷之間皆爲題習下逮童僕
亦爲雕鐫故雪汀不輕過人一飯而亦有長口過從流
連消志并其人竟不自解何以得此者最任氣一言不
合輒成觸忤日益焦萃陷于非罪之累絢者三去其諸
生平生老友大半因終割席自顧孤另之甚乃忽話末
契於年少但有登其門者莫不極口稱之一唱十和無
間听夕其欣賞淋漓真覺所遇皆作者予是人不必學
詩古文詞不必宗傳流品不必裁量方言里諺皆供詩
材雪汀元元手鈔爲同聲集吾鄉吟社久替至是忽爭
傳雪汀之詩派而雪汀之風格乃驟裂然雪汀生平實
有可傷者雪汀善小學喜讀注疏不肯唯阿先儒之說
熟精十七史及文選其詞少可也乃其本色雖假亦
要不失爲畸士至於暮齒之類唐盡棄所學非其意也
戊子正月自江右歸途中懷陸子紀雲

鹿散豫章城外煙風驚浪打無停船執牛左耳有同約士龍
東頭誰晏眠梅花已過睡亦得黃鸝不語春徒然大鵬之羽
六月息待子一話濤江邊

陶生又用予和仁百韻見贈次答

破襪縫來似水田怕寒早覓裏頭氈秋懷正好不歸去缺月
夜深殊可憐嬾聽蛩聲當戶織同看蛛網趁風牽小軒定有
花開滿此是今年勝去年

陶文彬

字仲玉號月山原名賓會稽人山陰諸生

方榮如慕謫署曰君少時持文謁長洲韓大宗伯宗伯
以羅儀部一瓣香許之義門何學士邀喜汪編修亦欣
然然契而在試場二十餘年僥得僥失為退飛之鷄者
六矣則遂絕口不談經生藝一意為詩而其大者則尤
在吏

事

陶元藻曰先大父月山公摩雲集中所存七古甚少有
景陽宮井一篇盛稱陽唐謂詞意雋遠絕倫深得義山
神髓又有西湖竹枝詞傳誦一時桐城馬相如傾倒尤
至擬揚云十錦塘一首與昔人盤塘江上是奴家郎若
來時好喫茶黃土桑精茅蓋屋
庭前一樹紫荆花並臻其妙

西湖竹枝詞

十錦塘邊是妾家小樓斜對木蘭花西鄰阿妹聲相似勿誤

敲門去喫茶

葉葉春風楊柳情青驄得得傍花行
勸郎收却金丸彈畱箇鶯兒叫一聲

錦城雜咏

錦城小苑鬪春葩移得桃源勝若邪
乳犬不驚新燕子誰知花裏有人家

章本成

字大枝號密林會稽諸生著密林詩草

越風密林爲西園十子之首天真爛漫見人或墮目不語或旋旋不休幕遊所得半助成黨貧乏詩得浣花一體

出門

還家甫兩旬出門何所適人生逆旅浮我又客中客身登不繫舟空畱未煖席妻孥慣別離惟勉各盡職去去勿復戀江

帆健如翮

篷窗

瞬息篷窗改見聞
水光浩蕩杳難分
大江日澹如浮月
兩面帆輕似過雲
天樹始終青合沓
山巒表裏翠氤氲
烟深野濶愁侵晚
沙上寒鷗自戀羣

章大來

字泰齋號對山會稽歲貢生著玉屏山房詩後甲集

仇兆鼂後甲集序畧曰山陰章子泰齋毛西河高第弟子也深造不已手眠口誦不詭于理其文章能躡班馬韓歐能抉諸家之紙繆而不詭于理其文章能躡班馬韓歐之室其為詩標格閑遠不墮言詮而問參之才謝以佐其趣其所自得若與西河議論時有出入

越鳳玉屏詩孤峭沈鬱學杜而得其骨者

鷺

標格沙禽占飄然一縷絲
高人延望處獨客正飢時
秋水閒

如此青天上亦宜白鷗方浩蕩與爾素心期

贈廣文李開遠先生時方訂羣芳譜招余刪定

天公染花花滿山膽瓶斜押牕脂顏龍門上日修花史睡起
恰在紅香間偶然問字來函丈條指羣芳便抵掌紕繆塗成
半紙鴉搜羅還作張華想坐我春風三月中羅開幾盞填心
胸措盤不似庾郎韭楚苗燕芥吳江菰慚予枵腹惟一飽著
書未能助天巧他年箋罷祀花神來就先生讀書好楊花載
酒重徘徊應是春花秋月時但恐天上銜魚鳥早傍山陰綠
帳飛

送族姪芝山山宰閩清芝山少時同學

雲泥異路何妨說天水蒼茫亦可親老去北鄰燈火共早年
同學鬢毛新風流到處花爲縣訟牒閒來印有塵倘過梨山

問瓜陵爲余重拜練夫人

章大成

字集甫山陰諸生大來弟著青鶴詩選

三柏一井歌

廟前水影玻璃色蒼翠高峰倚寒碧不知何處三飛龍墮作
此間井頭柏千秋變化誰有常神物由來未可測武侯祠倚
錦城東高枝屈曲如青銅霜枝翠黛好顏色杜陵老手扶天
工眼底森森兀相向誰能刻畫蛟螭狀意氣高橫雲漢多雪
霜飽歷精神王有時忽與風雷爭老幹橫空勢倔強夜半天
空閭闔開自有神靈共摩盪

送仲兒對山之豫章

青青楓柳樹合抱相因依矧乃唐棣花根本同一枝翹翹車
乘來條忽常別離行者常苦勞居者常苦飢苦飢何足言高

堂垂紫絲

贈子彬上人

一壑水潺潺松梢靜掩關曉峰雲入定晚磬月當山寺口花
香澹窗間鳥語蠻逍遙忘物我獨羨老僧閒

黃千人

字證孫餘姚人宗義孫官秦安縣丞落寧野堂果養秀集希和集

姚江詩存證孫年少雋才逸情雲上梨洲先生可謂有
孫矣抗世駿稱其悲虎患等作屈曲排慕宦逼古人
越風寧野敦行詩亦甚工東華分手
三十餘年所收無多未免興歎遺珠

晚出花門渡

花門渡頭風色齊帶水靜碧來藍溪前村後村卧野糴南岸
北岸號荒雞河之深兮漠之廣問津到處成孤往遠跡都隨
林葉飄逸情直與山雲上新笏熟後顏日酤新詩成後日日
哦窮居於我亦何損但覺方寸靈源多凍斯暮合塍畦滑歸

路悠然見寒月此中真意勿復言欵乃幾聲棹歌發

聞銓泰安邑丞缺偶成

四十餘年入世深甫邀微秩佐鳴琴官閑不廢傳經業
應資賣賦金老樹著花差有色浮雲出岫總無心
誰題贈抱膝還賡梁父吟

樓

儼字敬思義烏人與修詞譜書陵授靈川知

定花詞自序路江西按察使著黃筌軒僅存稿
始閣度子問縣余司成三先生任分纂之役者青陽吳
學士襄宜典儲編修汝楷無錫杜吉士詔吳江
吳明府景果暨余八人同書局于蓮花堂
金華詩錄搜羅最少穎異積學工詞貧無以居轉徙雲間
宛心四聲二十八調之譜草以求其指歸焉所宋以下
詞家原委派別斤衷于秀水朱彝尊以詞學鳴于時康
熙四十六年

御批

南經獻藏具圖詩詞恭進

欽定四庫全書
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

詞譜卷之四十八
詞譜卷之四十八

令歸都鄙但恨無田耕何以爲生理况彼桀鰲性出柙羆虎
兇此事費躊躇臨風發深喟

江行書事寄同官

江神似笑書生酸往往遊戲生波瀾南風開船北風起驚濤
突兀如等閒航樓忽過迴飄鼓悄然仍泊藍洲灣如此江行
五十日心膽墮地雙眉攢憶昔嶺外多歷險蠻煙瘴霧千重
山兩崖中斷一木度孤峰卓立垂藤攀危澗百仞徑逼灰泥
淖三尺行蹣跚殲厥渠魁如反掌一旅來往忘辛艱湘江之
南出離江十里五里長短灘移官惶窘流更悍谿石廉利劍
戟屯岸聲殷雷兩耳聒篙影紛織三老歎上水船登九折阪
下水船乘百丈漕篷窗見慣渾忘事俯仰殊覺天地寬不虞
舟行逢歲暮飄風急雪來江干守風阻雪動旬日郵驛強伏

雖爲歡匡君皖公空邂逅青山采石遲盤桓立春之日揚子
縣此身得不云生還生平忠信雖自許畢竟舟楫輸馬鞍率
成長句報同事今日方知行路難

毛

桓字克奉遂昌諸生

陳世修曰克奉父以漁艱于康熙甲子七月七日生
也亭謂是天係所棄幾之石黃其諾可餘巧以自善
生小名石生博通經籍旁涉星卜醫藥書畫諸技不問
山中多虎乙未歲乃徙家邑城復慕臨安山水之秀將
卜居焉僑寓西湖者再歲卒不果遽歸日以詩酒爲娛
醉後間爲大草爲蘭竹山水豆
畦菜棧破屋數椽欲以自老

雲林

湖西尋古寺峰轉翠成圍怪石通山腹閒雲挂佛衣樹根僧
對語花徑客支扉始信遊方外真能息世機

聖果寺

兩浙輞軒錄

卷十五

毛桓

五

隋唐畱古剎散步託幽筇山翠全凝竹江濤半入松犬吠人
語異僧喜足音遶此地真無暑何當一榻容

山居詩

土牆茅屋倚高原料峭春寒尚負暄舊廬有書分藥品幽窗
無事演禽言兒因蘭幼常懷橘婦爲憂多亦樹萱最是西南
山色好欲當一面別開軒

豚蹄盃酒笑淳于石角神祠舞小巫晴雨直占雲去住春秋
但組草榮枯鐵莖蕨粉芻山腹玉液松肪刷樹膚禮數近來
疎野甚應憐跼拜近樵夫

萬象山

養花天氣日初溫淺草巉前路一痕雲薦煙蘿山頂寺白沙
翠竹水邊村秦郎半醉花爲席

桑少游曾監邵酒樓有鶯花亭
亭千秋歲詞陸放翁鶯花亭

詩故應爾與行人憾
不見秦郎半醉時
謝客頻遊石有門
千古風流曾不泯等

閱憑弔又黃昏

朱

楷字翰仙送昌緒

京世修曰翰仙生有雋才自少即銳意為詩漢魏樂府
取心披覽故長句渾融樸質處不愧古人中平感寒病
喘虬髯如戟終歲僂僂一室中有所著述恒以藥酒和
墨蓬芭人士以能詩鳴而可以頡頏古人者不過數家
翰仙其一也

此君亭詩話翰仙五律如夜深云山河孤月照天地一
蟲吟酬從叔九峰見寄云耳聽窗外雨髮變鏡中霜龍
岩道中云雨來鳴遠樹雲
斷露出亭皆淡遠有味

登妙高山

在麓但言高處妙登高眾妙望中收
半天墨潑孤城雨羣樹
紅添萬壑秋山勢西從姑蔑起
溪聲東繞栢蒼流
北辰非遠
何由覲安得青雲載夢遊

兩浙輶軒錄

卷十五

朱楷

美

山中答人

雲樹由他滿谷陰，居山有伴不嫌深。
蝸牛入席問奇字，蟋蟀登階聯苦吟。
古意尚聞童子語，天真猶見醉人心。
忘機便可同巖穴，青壁何須尋萬尋。

橘歌

衆葉散作彤雲翔，橘葉猶是翠幃張。
對奕仙人時擁護，青女封姨不敢傷。
高枝一顆初變色，赫如落日在榆桑。
丹爐消鑠黃金液，蜜蠟包藏紅綿囊。
火齊影落洞庭水，蛟螭爭攫領下藏。
我來林下一攀摘，指爪竟日常生香。
座客索詩將贈汝，先須藉汝潤枯腸。
釀出新詩如汝好，芬芳不散滋味長。

書齋春暮

草長知春盡，青青色映牆。
坐看蟲食葉，化作蝶尋芳。
學道成

何日掀髯漸已霜苦吟纔得穩宿燕又歸梁

鄭

江

字幾尺號筠谷康熙戊戌進士官翰林院侍講著鈞谷詩鈔

隨園詩話云江先生幼孤貧里中有商人張靜遠者助其讀書先生貌瘦少一目湛深經學而詩獨風騷自啍云自號小冠杜于夏人噉一目湘東王錢花先於書中題云卷裏崔徽帳中李何如通替見殷如

古意二首

俯仰天地窄憂來誠無方登高望所思落日山蒼茫涼月浸我髮暮颺吹我裳迢迢莫良覲引領發清商悲哉勞人歌聞者爲徬徨睠彼芳樹枝落英何飄颺逝水不再西歲月如電光亮無金石固胡爲自憂傷

與汝沐咸池晡髮陽之阿元圃既迢遙聞風亦嵯峨攜手凌八荒玉珮鳴相磨一朝不相見桑田揚素波青鳥待不來茂暮當如何

登虞山書所見

晴煙散林壑萬類各蕭爽登山俯巖城川陸平似掌雉堞呀
周迢飛閣起宏敞兩湖開鏡奩浴日波決滌溝塍宛轉通千
頃皆沃壤逼人石角奮刺天塔勢上元壇駐笙鶴琳宮盛龍
象巍巍招眞侶金碧蕊珠榜四榮見翬翮朝旭射晃朗此邦
山水佳足以稅塵鞅悵望非吾土臨風發遐想

西溪草堂圖

吾鄉山水窟莫如西溪幽延緣一徑通落落清瑤流夾岸無
雜樹鹿角枝相樛霏微嵐翠間香雪千林浮有時畧約橫野
竹寒修修尋幽竈窺入落英滿扁舟花陰路疑盡豁然見平
疇四山圍潯綠峯影映鋤擾此中隱君子毋乃栗里儔一茅
粗剪葺六枳紛環周虛室靜生白恍然物初游羣鶴唳天半

若與孤情酬仙源在枌榆余胡久淹留

紫陽山丁仙洞歌

羽人蟬蛻遺仙蹤玉窗石室烟雲封藥鑪丹竈久蕪沒但見
懸崖倒掛龍鱗松鶴馭飄飄駕霄漢瑤笙縹緲騰天半紫駝
峯立啟岩扉月波池古畱苔岸昔人化鶴遼東歸城郭雖是
人民非只今野鶴重來日唯認丹霞抱翠微

常山縣

風帆沙際落嵐翠碧叢叢一縣江聲裏四山雲氣中迎人幽
鳥語隨意野花紅回首鄉心遠沿流直向東

釣臺

高臺俯映莫江清葉葉風帆盡日行碧水幾時停過客青山
終古屬先生可知邈世原持世始信逃名是愛名慚愧萍蓬

無定跡滄洲暫借濯塵纓

飛來寺

澄江綠滌潔于苔羣峭摩天一綫開
吉貝花中聞梵唄兜羅絲裏現樓臺
榕陰濃疊千重翠松吹晴喧萬壑雷
瘦石玲瓏霞縹緲却疑巖岫亦飛來

新淦縣

向暮江轉闊蒼烟羃遙岫微風起蘋末
澄瀾縠紋皺月出梅墟靜地偏艸木秀
絲筠窮招提晚鐘時一叩

吳廷華

字中林號東壁仁和人康熙甲午舉人官福建海防同知有東壁詩鈔

題杜文貞公小像

長樂坡前白譏甫

自注飯顆山唐撫言作長樂坡

太瘦生緣作詩苦我聞斯

言不謂然是亦羣兒謗傷語三人各瘦公有云請弟豈盡能

詩人唐書文苑傳可考喪亂飢餓叢一身自公蒞官天寶季
漁陽鼓鬚勢何熾陷賊歸來憂患親老瘦當知從此始乾坤
瘡痍勞至尊蒼茫家室空柴門三年奔走益潦倒一身皮骨
憎空存我讀公詩見大略浩氣縱橫非束縛况聞下筆如有
神豪吟安得身如削披圖恍遇山澤癯聊存詩案明其誣聞
說李侯亦顛顛千首敏捷終何如

陳

恂

字相宜又字餘畧號菴錢塘人康熙甲戌進士
官翰林學士著打包利語清照堂夢覺集除豪集

黃利通

除豪集序畧曰同年陳絨菴先生學有本元在
史局二十餘年侍

講筵掌

制諸駸駸通顯戊戌浙闈難作牽連解官先生方病暗手

足本

強余適寓杭城相持垂泣而已辛丑春暮再遊西

冷先生

詩文疊祭初集打包利語二集夢覺茲集以除

名豪

碧谿

詩話陳相宜學士居杭城獅虎橋北其室曰惜陰
書屋庭前有池池旁有山茶一本圍約二尺許高出簷

際花開甚繁雍正間忽因徐有字如蟲蝕文辨之得詩一首云學士堂前書室幽我來懸榻枕清流蟬聲唧唧鳴山間人語喁喁隔水樓筱筱竹梢先報雨蕭蕭梧葉早驚秋何時得向城西去紅藕花中載酒遊古吳下月坡題此事甚異所謂月坡者是仙是鬼不可知也學士從子春浦爲子說

題翁大參蘿軒湖莊

葛僊嶺下丹難覓處士亭前鶴不歸此地結茅堪小隱當時好事未全非百年花木留人久幾度笙歌怨客稀明月滿湖香滿徑東風寂寂欵巖扉

青山莊訪張天門因以述懷

小橋盡處掩衡門疎客人家近水邨一棹清溪漁父入三峯煙雨遠山昏樓臺窈窕宛平泉在竹石深幽獨樂存莫恨餘生無福受隨緣信宿亦前根

琴書永日可消憂獨對長松與古游甲子無心忘魏晉庚寅

同降別春秋

余與青山同年生

卜鄰待識蒹葭路

蒹葭莊在城內偕老終慚

泉石倚卅載名場成夢幻浮生何事更他求

就莊主人新構壺中小樓閣道相通落成招飲漫賦

遠挹青山近接湖春風十里訪青都驚殘魏野遊仙夢補出

張營子夜圖柳外間鶯看小步

馬名

花前沽酒喚提壺問津何

必桃源遠隔水斜陽罷釣鱸

四月十七日小和山謁冢宰先師墓

豐碑高望倚書墓瞻拜彌深梁木悲南郡風流經帳冷西溪

烟雨板橋歌五三大業參元輔

金德真詩五三成一德照我

胡太傅祠前銘七

受帝命作此元輔六一名泉近少師

公有莊近六一泉

表德無文空

展謁瓣香惟有寸心知

胡

浚

字希張號竹巖會稽人康熙庚子舉人官知縣著錄羅山莊詩集

胡

神樂觀古松歌

虬枝百屈靈飈入古荒
州迷鐵鱗澀大澤陰霆
江海飛深山黑霧龍蛇
立種時想像壇圻初先
朝迄今四百餘蟲穿菌
壓老不死長令福地如
林墟璇宮月白鳴神鼓
羣帝邀遊無定所幢蓋
浮空認未真素纒稽首
星官語荒苔影靜扶高
藜沉冥古觀寒淒淒天
門絕巘風雨奇恍憑鐵
鎖攀丹梯履屨徘徊看
未足忽憶西園舊茅屋
山露涓涓灑石牀誰枕
清陰對秋綠

山家觀梅

偕仄西溪路茅茨更幾
家深山半籬雪寒澗數
重花夢寄敲冰紙香清
滴乳茶行人須認跡筇
杖印寒沙

龔之鐸

字斷武號北溟錢唐人有北溟山房稿

甘泉席上朱玉臺姊壻以詩問訊依韻答之

花底重聯金屈卮却憐往事費追思
還將驛路旗亭泪洒向燈闌酒醒時
潞水秋高沙似雪廣陵春老雨如絲
十年孤負揚州夢輸與風流杜牧之

平山堂題壁

居士閒堂此尙傳風流猶鎖廣陵烟
數峯青峭橫天外萬樹驚濤落檻前
淮海文章新事業竹西歌吹舊塵緣
錦帆千里人何處日暮牛羊下阪田

龔之綸

字景萊錢唐監生以軍功議叙縣丞有半帆出塞錄

將抵張家口與蒙古丹總管話別

跡豈殊中外交原重性情經年依絕域
萬里共歸程藉艸看調馬銜杯聽論兵
從茲相念處別夢到龍城

進口與驍騎校安趙諸君小集

匣劍多情重報恩
從戎萬馬赴烏孫
何勞紀績銘銅柱
猶喜全身入玉門
白髮鄉關偏繫夢
黃沙烽火幾銷魂
而今懶聽關山曲
蕭颯邊風滿酒樽

周

準

字欽葉錢唐人長洲
舊諸生有迂村漫稟

懷舊

謂沈
方舟

自失西湖叟
詩盟三載寒
已知生死斷
猶作別離看
老去悲
邱井情來望
近湍還聞淮水畔
禪宇久停棺

蝴蝶詞

萬花谷裏逐芳塵
自愛翩跹粉澤新
多少繁華任畱戀
不知祇是夢中身

洪之震

字清脩錢塘
諸生昇子

詠粉團花次范容安韻

柳濃花暖暗江城得似此花氣味清碎雪作團愁夜冷好風
破蕊喜春晴千層月影玲瓏巧一片冰姿補綴成自笑愛梅
原有癖曉窗相對又牽情

華

品

字秋岳一號新羅山人錢唐人有離垢集

徐逢吉曰品詩如春空紫氛層厓積雪玉瑟彈秋太阿
出水足稱神品復工書畫書畫之妙亦如其詩昔昆陵
暉南田海內稱三絕斯人殆彷彿云

游潮鳴寺

天高晴色好取徑入東園野水閒魚國荒烟塞寺門林空秋
氣冷殿敞佛容尊爲有逃禪癖貪尋老衲論

題畫

羣木籠烟秀一峯入戶奇爐香窗鳥避庭果樹猿窺點點水

兩浙輶軒錄

卷十五

周準洪之震華品

三

花碧濛濛竹影移茅齋讀易者得意少人知

竹溪書屋

紅板橋頭烟雨收小臨深閉竹西樓菜塘水繞鴛鴦夢落盡
閒花過一秋

春愁詩

半幅羅衾不肯溫一燈常自對黃昏紫鸞去後從無夢春雨

蕭蕭獨掩門

邵錫蔭

字樾森仁和人遠
平子有藤閣新吟

燕山夜雨

細雨連山碧新秋水更清疎鐘沈遠寺寒漏斷高城客邸無
親識天涯有弟兄眼前多少事何處遣離情

落花次毛景巖韻

新巢燕子語雙雙
春色頻催未肯降
只有梨花春不管
隨風

吹入碧紗窗

邵錫榮

字景恒號二峯仁和貢生遠平子錫榮弟官

朱彭曰二峯初宰寧進潔已化民後以疾告歸市書醫
衣作舟車費民之攀轅臥轍者徒步走數百里外所為
詩遇意成章不致求合古人其兄棧公
評曰如雲在天卷舒無定今闕之良然
碧溪詩話宋舉序就山堂集曰二峯學有淵源又得湖
山之助其詩豪邁宕逸要能出其胸臆所欲吐視世
規撫唐宋者過之

瘦陶雜詠

鏡裏氍毹鬢髮新
抱疴初起倍傷神
一朝朱履筵前散
只有黃花似故人

題畫爲諦微上人作

寫就溪山墨未濃
萬家烟火一聲鐘
老人借問我住處
笑指

白雲峯外峯

送客

客中送客同爲客
春去畱春獨惜春
送客畱春總無賴
明朝愁殺渡江人

馬鞭花

鞭拂珊瑚色自芳
馬嘶遙陌對斜陽
天生一種無情草
慣送行人道路忙

咏新草和佟中丞韻

黯黯江邊路
萋萋陌上塵
望中三月雨
夢醒一池春
色淺鶯相妒
叢深蝶作鄰
年年隨意發
不解送行人

歷城官舍送洪中令姪倩之都

兩載依蕭署
臨岐駐別車
心隨南去夢
貧倚北爲家
吾女飢

成瘦君親髮已華長安莫淪落八口寄天涯

醉歌贈鶴化老人

鶴化老人不離酒自言酒是吾良友醉時落筆驚入神往往
新詩掛人口人口曰詩中之聖酒中仙老人自謂鶴化一道者
逍遙四海隨吾緣左手招酒星右手挹酒泉放歌豪飲狂且
顛風吹明月墮酒甕吾道成兮返鹿洞狂塵茫茫一蝶夢

丁天庵歸自茗溪

百里隔兩月忽然凋秋柳年華易蹉跎浪游空白首丁子茗
溪來向予索醇酒呼吸如長鯨不暇更開口覓食徧四方所
向徒奔走人情最惡薄安能急朋友阮籍古狂士淚爲窮途
有爾今勿攢眉放懷盡一斗新月正皎潔疎風入窗牖風月
散人懷與爾重握手

家震數攜酒探西軒飲沈其杓薛扞公

時近重陽萬葉落北風蕭蕭吹書閣滿天黑雲不成雨孤懷
正爾思杯酌吾家阿兄羅清饌攜酒小軒設高宴涼州葡萄
琥珀濃金盤鱸膾紛銀線薛君鯨吞勢何猛大杯小杯不待
請須臾但覺天地旋眼花幾欲落深井沈子醉歌乃擊缶倒
源傾瀉談天口平常不見飲興豪今日亦能盡一斗惟我飲
酒愛同調胸中騷屑發狂叫直至更深未肯休瓶空還向主
人笑主人走向鄰翁賒忽覩滿堂生月華共言今夜畱餘興
明月東籬看菊花

送周敷文

君上長安只敝裘燕臺是我舊曾遊論文久矣無青眼作客
從來易白頭落日千山橫北雁清霜古渡宿孤舟周郎此去

情何極翹首江干起暮愁

寄天竺恨亭上人

西湖西去得名山天竺先生此閉關
媿我風塵爲客倦羨他猿鶴對君閒
三生石古歌相答九里松蒼水幾灣
何日洗心聽白法定應盤礴不知還

過雞鳴山

山在口北黃帝征蚩尤間雞鳴而返

朝發雞鳴驛暮宿雞鳴山山高萬餘仞
綿亘居庸關雲根出暗谷瀑布垂深潭
崩石迸煙霧懸崖斷躋攀五月霜氣肅
八月雪花斑天關殺草木混沌成其頑
黃帝征蚩尤忽聞雞鳴還僕夫驅車至
王事亟敕頒終歲筋力瘁不覺成蒼顏
虎豹咆哮向魍魎出沒間沙漠寒塞苦
畏此行役艱策馬更西去矯首山巔岼

陳朝儼

字陸來號望菴仁和人官國寧知縣著公餘集

沈涵公餘集序畧曰吾鄉陳子望菴少讀書工詩數奇不偶試爲吏得建之臨寧縣邑于全閭爲最衝四方冠蓋往往來日無寧晷縣令奔走伏謁倉皇救過之不暇何暇言詩望菴公餘一編大都感憤而作也

麻溪口

麻溪溪口晚蒼蒼新駕虹橋百尺梁題柱更須留石碣愛山誰與畫村莊茶膏不記春調乳蔗味旋看夜煮糖方物恰宜官閣用棕櫚拂子伴繩牀

延平返署偶書所見

出門幾口覺匆匆返棹回看千萬峯跨澗平橋山樹合臨溪荒戍石門重遊魚得食知人意飛鳥依林似客踪誰識關情在何處露寒閒到野芙蓉

王 張

字晉三仁和人康熙庚子舉人乾隆丙辰舉博學鴻詞有論古堂集

朱鹿田工部席上用楊孝廉戒浮韻

恨無猷畧佐

皇風下馬文章上馬弓挾纊不忘邊月冷擁裘還把被池烘
逃虛愛說徐無鬼命酒愁聽薛小童蛾舞蛙跳咸自取也曾
有句詠禽蟲

十

善

嘉善人 字廉伯

俞寶華曰廉伯潛心理學撫弟極友愛有古文雜著百餘卷有弟五人名與兄埒時稱六計詩見別裁集

孫霄客見過

每憶蘇門嘯悠然鶴羣近來經海嶠知復戀烟雲妙詠兼
開府能書擬右軍三升清酒在何日話斜曛

邵宗寶

有半敵園吟艸

宋大傳曰泉詒天資敏悟過目成誦
惜夙嬰羸病壯志不遂工琴善詩

詠菊次芥老韻

昨夜三更雨旋來旭日和不風香自遠有月露還多送酒人
難值餐英事豈諛倚欄貪久立清晝任蹉跎

查克宏

字可亭
海寧人

朱文藻曰瓶花齋吳氏藏有查可亭詩一冊題曰十千
詩塢紀游丙集卷一辛巳秋季至壬午夏抄錄此則丙
僅十千之一非全帖也
辛巳壬午當是康熙時

馬上望滁州山色

三日巖程兩日行顛風捲雨逼愁生征衣絮薄秋寒峭健僕
才羸客累輕村抱疎林新雁集田分野水晚犁耕晴峯笑指
滁陽路便感當年太守情

樊城上江船

半月西來仰馱鈴
樊城斷處上江舲
霜花坼樹表葦暖
煙影籠村酒氣馨
湘水曉拖鸚母綠
峴山暮出佛頭青
不知行役緣何事
古鎮名州作意經

陳

源

字自天一字北舲嘉興人著北舲詩鈔

楊蟠曰五色詩箋助自吾里最著者為三緘齋則別陳侯所製也其次松壑書屋則顧仲清所製也北舲仿其式為之曰售百番以供杖頭之用桐鄉嚴石帆贈詩云謀生蔡侯紙蓋紀實也北舲詩筆矯健亦梅里布衣中之錚錚者後人無生產向以詩箋為活與初泊齋王氏並著世稱梅里農云

送晦堂重至山陰

同調多牢落
年來更寂寥
傳柑虛令節
聽雨過元宵
白首情相得
青山夢轉遙
知君遊未倦
重渡浙江潮

登爰山

登山值秋杪
木葉望中稀
野曠西風急
天青一雁飛
捫蘿盤

兩浙輶軒錄

卷十五

李宏陳源

三

絕頂穿徑叩禪扉欲問燒丹處松雲上客衣

邵開宣

字晴牧嘉興人

楊蟠口時牧爲宏毅先生之曾孫與余家有世好向時
萬符所存詩箋一束惟挑花四絕而已嘉禾閣在山左
萊陽丞屏中吾鄉王勉齋先生居官時所
建晴牧係勉齋館甥時有安仁之悼云

湖上見桃花有感

十里春風撲而來深紅一片暖分開分明憶得銷魂處却似
嘉禾閣下栽

一曲笙歌酒一卮十年前事費相思武陵溪上無消息前度

劉耶鬢已絲

李宗淮

字樹源號墨巢又自號小螳

梅里詩翁先生落拓不羈兀窮以老於詩無灑騰蹕不
事雕鏤平生酷嗜空同故以小螳自號爲什甚富後
客羅陽前爲河伯所覆深自痛惋詩格畧與王介人相
似其遭遇亦無不同今存者什之三惜無竹垞諸公爲

之論定以
廣其傳也

淮上被水災後依袁浦慈雲寺

不作垂龍遁聊同怖鴛棲迹如鴻印雪心已絮黏泥靜聽昏
鐘叩遙窺落日低故園渺天末回首各東西

草堂獨坐

試向勞人述眞州復楚州關山千里夢燈火百年愁把酒誰
青眼吹簫已白頭浮沉緣底事逐隊狎沙鷗

寒夜

寂寞當寒夜篝燈一點青朔風號古木密雪灑疎櫺境苦言
逾拙愁多夢易醒荒鷄何膈膊聲送枕邊聽

苦雨

蕭條愁對雨連綿笑取鴛衣且擁肩小閣寒窗窺雁字斜依

破壁掃蝸涎青泥厭看常苔積素魄應難到眼圓解寂忽思
攜屐去渡頭試驗水涓涓

錢忠發 秀水監生有

梅里詩輯錢氏族居馬廐因號錢村曰潛者久之也而
珠北球二橋名每秋社白魚羣至過此則否節圖是詩
能紀風土

潛村雜詠

南珠水接北珠長十里彎環紅樹莊異事年年秋社日白魚
對對過芳塘

顧 晏 字雲邨 海鹽人

顧晏蘭襟倡和詩鈔序畧曰丁巳之春予自海上來館
武林范氏蘭襟修洪先生錢塘名士也一見顧益如故夏
秋之交晚懷以事輟館課齋中多暇乃得竟夕談詩相
視莫逆感時觸景倡和遂多藁而錄之嗟夫天涯海角
聚散不常知己難逢古今同慨則是錄也於蕭蕭風雨

中讀之如遇其人於翦燈夜話
時安在其詩之或傳或不傳耶

哈洪海修先生詩話次韻奉酬

歡然爲我指迷津知向源頭辨獨真
山露嶙峋詩有骨江流清駛筆無塵
相看字挾風霜迴早卜名懸日月新
一瓣香惟君斷得篇章端不藉鋪陳

汪爲燾

字若木桐鄉人杭州府學貢
生官鄞陵知縣有紫山吟稿

柴埠偶成

畧約隔溪斜開鷗立釣楂前村烏桕樹錯認野梅花

澈浦秋日

堰斷橫溪岸城荒隔浦沙
戍樓葭月佔舶木棉花紡績深
更響魚鹽小市譁近場枯樹古
細問鮑郎家鮑郎場有樹村
氏傳爲黃巢樹

范廷謀

字省菴鄞人官雲南候補州
同著赴滇集病中集步韻集

赴滇集自序畧曰丙戌冬余服闋赴都銓補余得
滇南自燕入滇由春迄夏聊憑寫臆未敢言詩
又病中集自叙畧曰余職本間曹材同櫟散赴銓北上
捧檄南來萬里迢迢到處蠻烟瘴雨一官落落依然布
襪青鞋未及瓜期敢望三刀之夢每持手版尙存半刺
之名而迺霜露時侵難覓方於肘後抑且弓蛇頻惑竟
絕影於杯中由茲情因
景觸詎云詩以窮口

平越道上

登山臨水意何窮無限離愁杜宇紅遲暮有懷悲燕雁陰晴
未定卜霞虹誰教驅馬行天末豈爲尋真出播中平越古播
州地張三
半真人一片烟光三月暮幾回惆悵落梅風
得道處

除夕有感

手版頭銜終歲忙無端忙過少年場官經易地依然冷興逐
流年減却狂怕酒暫辭殘臘去春風又送早梅香天時人事
渾無定莫惜蹉跎兩鬢霜

吳允嘉字志上號石倉仁和

碧谿詩話石倉先生為湖墅耆宿嗜學好古積數十年
苦心歿後故書散落人間予在汪氏振綺堂見其手鈔
書可數百册皆法醇古毫無俗韻望而知為有道之士
其他散見於書賈求售者更不知凡幾嘗纂輯武林耆
舊集自漢唐迄明其稿在吳興亭先生處予借錄一過
編定為二十卷歸之振綺堂歐亭先生仿其例采
國朝詩續之又嘗手輯錢塘縣志補皆魏志所未備予預
修府志取以補入其稿今藏予家子每與何春渚陳二
西談其餘韻訪其後人僉云不甚深知矣後乙卯夏重
客任城訪知令嗣文思孫漢堤同客山左皆業儒文思
曾中副車掌教某書院同時有張玉階亦在任城寓中
出示其曾祖武遷先生歿時石翁哭詩十首僅存其一
云君生却值百花死中秋月不哭從此青莎愁再
過年年花月總無情青莎里俗呼珠兒潭張公所居
也黃小松又述其臨歿時口占一絕示兒輩云幾卷殘
書幾畝田祖宗相守已多年後入窮死休相棄免使而
翁恨九泉
誦之默然

秋漁

我昔家河渚蘆花護釣船披蓑秋雨後挂網白雲邊客省隨

波放鷗鳬伴醉眠祇今炎海上烟水憶當年

秋寺

曲徑經行徧尋僧都未逢白雲閉深院黃葉打霜鐘果熟隨
鴉啄林荒少鹿蹤廬山寒更早雪灑石門松

秋柳

離亭日日送行車一樹垂垂一樹斜灞岸水寒猶帶影章臺
人去只棲鴉已無飛絮需芳草剩得長條拂蓼花遊子不堪
三弄笛曉風殘月正思家

沈

情
字吉士號根
亭仁和諸生

遊京師歸

驅馬上長安風霜涉遠道一望滿郊極幽蘭互衆草盈虛如
轉轂江湖人易老靜以滌塵襟默默當自考

沈光邦

字廷賜號皆山臨海人康熙庚子

黃潤川曰中翰少穎異能自製刻漏壺嘗精求易說取
河洛象數以探先後天八卦之由參朱子啟蒙三角六
角乘除勾股之法配以天文律呂在星象設作三圈在
律管分用八變適與六十四卦縱橫上下自然相生積
二十年書成各易律通解今已得呈書局備
四庫全書採擇所為詩亦多構湛之思然不多見其盛傳
於時者有香魚十二詠爆竹八十韻皆咏物詩
其歷官由中書遷漳州府同知告歸未之任卒

飛生鳥為葵門賦

天地變化不可曉奇怪百出猶未了四靈數見恐不鮮劈空
更造飛生鳥飛生之鳥狀如何驀然夜半向空過決起三山
惟一母漸凌霄漢子方多以一生三三生九此鳥腹中子尙
有且飛且生出不窮好似遼苑不任手構巢赤城天姥問青
鳥使者相往還邦人亦莫敢余侮自顧常有好容顏將雛嘯
侶發台嶽翱翔日下傲鳴鶴見者指作鳩盤茶自飛自生猶

自樂我聞羽族皆卵化鵬號胎禽已堪詫誰知此鳥更飛生
四方聞之豈不怪勸君莫怪且凝思搶地登天各有時鯤鵬
之息以六月乃今培風尙未遲

會安世

字濟蒼號日峯嘉興人著梅廳詩集

望江郎山歌

我昔一過秦華峯秦華清室我塵土亦曾三度看巫山巫峯
美麗我惟魯顧于秦華巫山間夢魂往復循如環今朝再對
江郎石一雙瞳人俱送逆蒼然天際闢三峯化工巧作非常
格如堵之削光華含自一而二俄焉三回頭側望更反此參
天奇迹誰能參亦疑帝座通呼吸美人巫山玉女峯名遙相
掛山名物產渺安稽記仰山爲江氏兄弟所化又稱山森然
正氣梯無級空靈竊窈窕直以方風雨離合神飛揚纖塵寸土

所不到樹影乃與搖空蒼徙倚徘徊拋不得與夫踟躕催行
急循牆畱更夢三才仰止高山懷壁立

汪

筠

字珩立號謙谷秀水諸生

梧門詩話秀水汪太守筠字珩立號謙谷少時與同里
視像堂錢碧石王穀原結詩社多瑰麗之作其觀陸包
山小堂云秋海棠花綻石陰銅盆翻水浴溪禽南風澗
壁清無事攪影簾鈎一倍深題茅梁眉五湖詩鈔後云
幾遷舊雨義前塵弄酒吟花別占春可是香山老居士
長為元祐太平人惘惘復復竹枝輕十年小住秀州城
如何明却英雄手更照
紅牙板拍聲又極秀婉

張鐵橋畫馬

兩株風柳春乍絲坡草剪碧桃花時柳陰兩馬不是馬吐吞
虹氣幽并兒久看一白偃一黑黑為墨光白紙色閒身空地
嬌且驕頸鬣相磨尾南北張公東莞老布衣身長三尺雙睛
睜賦詩擊劍酒百斛醉後能掃驪驪飛即如此幅亦豪縱馬

骨人心雄欲動請君莫說將軍曹千載唾壺同一痛

袁德峻

字眉少鄞人康熙庚子舉人著虎林雜吟

袁鈞曰眉少公博學能文與蔣拭之董正國齊名所爲詩歌雜體文極富晚試禮部時際郊祀耕藉臨雍三賦

名聞京師鄒侍讀江調其絕似少陵

西泠橋

野桃山杏嫁東風若箇門前控玉驄一自夢聞金縷曲可憐

人去落花紅

范

炳

錢唐人著

碧溪詩話范炳某甫及出處未詳庚寅正月從沈燭桐溪案頭見范翁詩稿三四兩卷蓋已著詩四卷刊行惜其首冊亡失獨歸還得二首後聞陳焯無軒云字虎臣住紅門局有子官縣尉

望庵觀梅懷閨晴峯

湖南春色正當期重訪精藍念舊知可惜梅花不同賞天涯

何處寄相思

重過招賢寺

孤山亭北西村路頻泛扁舟到水湄今日禪房春寂寞落花

芳艸憶歸人

沈允亨

字孟嘉錢塘諸生

清波小志沈孟嘉居清波門外弔橋之南門對雲居山後臨學士港家頗饒饒後中落館於馮氏主人甚敬禮之工詩文善作小楷與人交恂恂如也爲子母氏散失矣年未知謫益年甫五十而歿有遺稿數十卷今散失矣

西城行二首

城上樹蛇矛城下堆髑髏獨有野菊花還如東籬秋

今日吹寒笳明日寄征衣鐙下刀尺聲鐙外流螢飛

與紫燦讀書雲居寺

雲居寺在高城上灌木森森暑氣無茗椀爐香依梵貝晴烟

秋色滿江湖放開爾我形骸外忘却林泉歲月徂何事西齋
彭上舍朝朝危坐讀陰符

余

珣

字璵伯
錢塘人

清波小志仙姥墩志稱與聚景園相近基高
數十尺今無從跡跡矣子友余璵伯珣有詩

仙姥墩

裊裊東風動高柳湖梢直灌荒園口不見青旗向水飄何處
還賒百花酒

馬翔麟

字白生
錢唐人

碧溪詩話白生詩文樂府手稿一冊吳丈西林從東園
錄菴僧題離書中得之遺余集不著姓名卷中圖畫可
證其孫名重光字履尊別
卷有墨筆一行及印可證

秋山夜況枕上成

避跡溪山心自盟許多秋意弄秋聲枕邊嘖嘖蟲吹韻窗外

喃喃鳥記更風吼亂山難辨雨螢穿破屋易猜星幽人此際
餘吟興敲得詩成黠鼠爭

梅雨

爐香消受熟梅天紫燕堂深蒼蘚編竹以醉餘陰愈重龍因
分後雨偏顛神游古塔鳩鳴寺思入新荷鷺起船長日似年
年似日白雲何以遂高眠

李

芬

字人表號復亭仁和人

沈梅跋復亭遺稿畧曰復亭太夫子先君子受業師也
博問強記貌狀偉岸雖老手不釋卷年七十餘猶矍鑠
善飯平生詩文極多歿後散失先君亟搜之僅得一冊
及門甚盛今惟翟晴江尚存屢躋場屋家益貧惟以遊
覽吟咏自適

年八十餘卒

江村

久覓幽棲罕所宜卜居差足愜心期時看江練更圖畫日爲

山光勸賦詩履坦自逢如砥道巢危多在最高枝草堂五柳
皆寥落宇宙茫茫安所之

朱離模

字三農仁

碧溪詩話朱三農不知其名亦不知其里居集中有
承高安可亭遺闕越嘉果詩注云高安遷派按茶院族
諸系至可亭紀世二十有九于文公世系紀二十有一
次予一行始知其姓朱氏也詩稱三農外集因遂稱其
為朱三農云外集則不知其內集者何如也外集又祇
卷三卷四缺卷一卷二且不知卷四以下完缺否也卷
三目為三吳寓草兩淮寓草卷四為秦豫寓草江右寓
草可以得其遊歷大槩矣末有小黃山別業詩草其為
吾杭人無疑卷中有戊午穀日八十初度則其人夫今
僅三十餘年而後見者甚少可慨已吾友沈桐溪得其
不全幾缺選錄之者甚少可慨已吾友沈桐溪得其
墅詩鈔乃知其名離模云

次韻畱別吳木欣歸山左將

滿目滄波載一船尊前斜日下寒川曾尋江閣看秋月

中秋木

欣登金又向園亭坐晚烟千里平分黃葉路寸心獨繫白頭

山玩月

年君歸尚有田園樂世事忘言不用詮

戊申春正八日七十初度王使君暨幕府諸君連日讌

集贈詩次韻

象蒿歲月付殘編經歷山川向遠天眼底景添花上霧耳邊
聲集樹中蟬車塵馬跡徒年劬蘭佩荷衣覺性偏却喜官梅
映白髮共吟東閣動春筵

殘夏過白田主人寓齋是日買醉五柳居及放船湖心

亭同賦

湖中佳興待誰收攜杖來尋湖上樓五樹柳陰畱小酌兩峯
嵐翠落扁舟舉棋水檻消殘醉分韻山僧憶勝遊初夏集湖
上適靈隱
巨壻上人舟次遊宦由來閒境少還期相探芰荷秋

秋杪小黃山掃墓

兩浙輶軒錄

卷十五

四

東望皋亭感輟深歲時兩度卜晴陰纔過春雨桃花岸又陽
秋霜黃葉林風木遺人終古恨墓廬愧我百年心攜藤欲就
山菴住補種松楸聽暮禽

十月朔小黃山掃墓

小春夜永聽晨鐘上塚貧家借古風曉穀果穀塘路遠寒收
薑芋野田空暮橫翠蓋松鱗老碑倚霜天樹影紅盈蘚石臺
渾似繡餘齡拜掃感無窮

上元前一日同守廬過萬峯禪房

守廬人老駐容顏每歲來尋浴鵲灣同採雲芝穿鹿徑轉攜
藤杖到雲關名藍古蹟初經歷高士詩僧舊往還聞說滿城
燈市盛何如流憩萬峯間

農事三略

亦名治畧擬稿將脫識以大意

聖王至治起耕鋤疆理推原井畫初養藉農師興永業教崇
社學待豐儲相須治水成溝澮經略屯邊衛里閭他日誰營
田野事薜蘿門內訪遺書

俞泰樞

字拱辰一字澹翁號藕洲仁和人康熙戊子

孫士毅傳畧曰先生家近藕洲詩集愛開堂詩話
水戊子舉于鄉有同年友二曰沈果齋鳳起曰朱省齋
光珙稱積呂交暇時結歲寒盟沈得竹朱得松藕洲得
梅繪圖題詩藏果齋家戊午選授烏程學博丙寅告歸
所著有古今體詩八卷愛問堂詩話兩卷雜文如千篇
歲次閑閣園茂先生年八旬成黨請醵金付剞劂先生
頤之先出近體十之三以
爲稿矢因爲編次系以傳
朱文藻曰案傳文及卷首標題皆不詳里居但云藕洲
而已按傳者爲孫公家於臨平致臨平有藕花洲卽宋
時蓮蕩舊蹟見楊誠齋集中旁有景星觀東岳祠與洲
並環峙臨山下則先生爲仁和之臨平人無疑矣詩
祇五七近體
今錄數首

遺懷

儒冠數十載虛譽有加無去日非來日今吾是故吾功名悲
老大衣食愧妻孥寄傲南窗下琴書且自娛
獨坐幽齋裹身閒心自清難留惟白日易得是浮名學古輪
前輩逢時讓後生簞瓢隨分過此外復何營

遊安隱寺

隱隱鐘聲雲外出凌空幢影照苔痕兩行古木開山徑一道
清泉對寺門洲上藕花今不見塢中竹杖已無存閒來我亦
耽禪悅欲共高僧往復論

三友圖

三友圖成事可傳梅疎松古竹脩然那知梅竹均無恙不見
蒼松已十年

藕洲口號

五月臨平路參寥好句臨藕花遺蹟在讓我占芳洲

沈鳳起

字康煥九號果齋仁和人

碧溪詩話果齋生平所作不多見吾與其

孫赤抒交僅見其秋興八首尚是手槩

秋興詩用杜少陵秋興八首集字 選一

鳳凰城闕帝王宮百尺樓高紫氣中地極八州皆回北天函

萬水自朝東三霄上下莖承露千里間關旌相風北斗西移

斜漢直悲笳一曲思漁翁

吳 焯

字尺鳧錢塘人著葯

閣詩稿陸渚鴻飛集

趙嘉楫序畧曰尺鳧幼從余游制舉外率耽吟諷聲律

偶起闕壁驚長老東髮益肆力于古吟壇風雅固弗與名

少年朝氣雖誦不少衰海內先達往往折輩行與倡酬

訂證而四方騷雅遊屐至武林鮮不延接把臂或下榻

經年講求摩切近裏所作彙為古今體詩二卷顏曰葯

子孫弦誦地其伯兄閣園讀書其中以秋曹起家從兄

吳 焯

國朝市金錄卷一
雪園借羣從下帷明經科第往往發迹而尺鬼方總
角時即酒瀉于父兄師友者屢矣爰以葑園名其稿
碧竊詩話尺息先生家有古藤一本構亭曰瑞谷花時
招客吟賞因自號瑞谷老人藏書甚富皆手自校勘子
城號鷗亭玉珥號小谷枕莊其中以
吟誦爲世業武林指紳家所不及也

有約寄朱贊皇

有約匡山隱仍爲薄海遊風塵空短褐飄泊任孤舟雪鬢雙
親老霜燈獨客愁燕雲一回首應悔十年秋

書藍田叔畫蘭卷後贈石臣兄

斷葉零香三五筆坐令觀者笑離奇空山盡日無人到花落
花開誰得知

黃樓

山城面面走晴雷高跨東樓水界開曉汛直翻桐柏下秋渠
常怕雨風來市門通郭魚鹽集野戍連營鼓角催猶說當年

蘇玉局月明吹笛上瑤臺

題寅谷六弟枚里寓樓

作客如歸喜可知
河彎長望立多時
幾稜烟舍枚舉里
一掛風燈漂母祠
小設茶場勞整頓
分飛鴻雁各差池
衣塵拂罷還看鏡
壓鬢新霜又數絲

題沈啓南冷泉亭圖次韻

晨坐高齋竟落暉
祇因讀畫悟幽微
聽來畢靜水生響
看到出神峯欲飛
往事重題增感慨
舊遊如夢記依稀
回思羣屐經行處
空惱耕烟閣筆歸

日若作和會屬
王石谷臨摹

蘇啟鉞

字靜菴仁和人諸
生著蓮輝堂詩集

齊河送余大參北發

折柳齊河畔
春風日正遲
相逢談往事
話別訂前期
未許東

山卧頻縈北闕思文無且莫贈

古今註相別贈以文無乃當歸草也

歸老尙非

時

沈紀榮招陪徐觀察春夜大明湖

歷下多名士風流孰可當賓留徐孺子座有沈東陽四面湖
連屋三春柳拂塘酒酣明月上簫鼓送歸航

姚三辰

字舜揚號聖湖仁和人康熙癸巳進士由翰林歷官吏部左侍郎

贈泗州牧汪文煥

龍溪世胄久崢嶸秀拔鍾山器宇闊

九陞綸音宣幹局一專甘雨領專城惠流洪澤波千頃清印

玻璃月一泓

泗州有洪澤湖及玻璃泉

劍氣珠光邀拂拭荷君樂育助持

衡

贈徽州太守寶容恂

日下論交已廿年，盤坡班與鳳池聯。
棘闥昔共掄才地，歛浦今逢乞巧天。
我訝使君雙鬢改，人稱太守十分賢。
壘書旦晚褒清節，第一循聲四海傳。

贈池州通守李必翔

龍門家世本青蓮，通守池陽豈偶然。
綬綰紫薇真福地，興題華蓋上青天。
紫薇華蓋池陽山名芙蓉九朵浮堂側，楊柳雙隄夾座前。
九載謳歌聞四野，人稱半刺果今賢。

口占迎四女

丁卯橋連嬌，內隈香車流水載春回。
河沿柳眼窺人久，待汝迎風咏絮來。

兩浙輶軒錄卷十五